

Periusissiaq 2024-2026

Kalaallit Nunaat tamaat ineriartortillugu

NALIK 
VENTURES



Kalaallit Nunaanni pissutsit nutaat

Mittarfeqarnikkut aaqqissuusaanerup nutaap Kalaallit Nunaanniit Kalaallillu Nunaannut angallannikkut periarfissiisussaavoq siornatigut takusimangisaannakkatsinnik. Periarfissagissaarnerulernerullu takornariaqarnerq kisiat sunnissanngilaa, inuussutissarsiutit tamarmik annertuumik aamma sunnerneqassapput – nunap immikkoortuini unammilligassat periarfissallu assigiinngissuteqartussaapput. Illoqarfinni pineqartuni marlunni Atlantikoq qulaallugu attaveqalernermi sullitat sulisussallu eqqarsaatigalugit unammillerneq sakkortusissaaq, ajornannginnerusumilli tikiqqarsinnaalernerup pitsaaqutigissavaa pissarsiniarnissap ajornannginnerulernissaa. Sinerissami sumiiffinni allani inuussutissarsiuteqarnikkut ingerlatsinermi piginnaasaqarluartunik sulisoqarniarneq sulisullu paariinnarnissaat ajornarsiartussaaq, sumiiffinnilu taakkunani innuttaasut illoqarfinnut annernut nutsernerat suli annertunerusumik ingerlalissalluni. Kalaallit Nunaanni silaannakkut angallannermi avataaniit tikerarfusut unammilleqatigiinnermut aporfusimapput. Maannali ornitassat toqqaannaq tikiqqartalertussanngornerat takornariaqarnermut allannguingaatsiartussavaoq. Timmisartuutiqatigiit allat takkutissapput, ukiup immikkoortuini angallaffiunerusuni akikinnerusumik neqerooruteqarlutik angallasisartussanik. Takornarissat annertuumik amerleriaateqarnissaannik tamanna nassataqanngitsoortussaanngilaq, ilutigisaanillu timmisartuussinikkut, unnuiffissatigut misigisassatigullu aamma unammilleqatigiinneq qaffattussaassaaq. Tamanna piareersimaffigivarput? Ataaserli qularnanngilaq, tassa mittarfeqalernikkut ineriartorneq nammineq takkunnavianngilaq.





Kalaallit Nunaanni pissutsit nutaat

Kalaallillu Nunaannut allannguutit pitsaasuussappata takornariaqarnikkut ineriartorneq aningaasaqarnermut, nunamut inuiaqatigiinnullu innarliinngitsumik ineriartornissaa pilersaarusiorgulu sulissutigineqartariaqassaaq. Pilersaarusiaq piffissaq ungasinnerusoq eqqarsaatigalugu nunatta avataanit aningaasaliiffigineqarluni inuiaqatigiinni amerlanerpaanut iluaqutaasussanngorlugu.

Mittarfeqarnikkut aqqissuusaanerup nutaap nunap immikkoortuinut assigiinngitsorujussuarmik sunniuteqarsinnaavoq, taamaattumilli sunniutissat pilersaarusiorgiginissai unammillernartorujussuussaaq, pilersaarusiollu attatiinnarnissai unammillernarsinnaassapput. Eqqortumik aaliangernissaq aatsaat taama pingaaruteqartigilissaaq, qulakkeerneqassappat amerlanerpaanut nunap tikikkuminarninngornerani iluaqutaanissaa.

Kalaallit Nunaata inissisimanagera allanngornikuuvoq, eqqoriaanerit periusillu ajornannginnerusut maliinnarlugit aaliangiisarneq atorsinnaajunnaavinnikuupput. Pilersaarusiorgnermi tamakkiisumillu isiginnittoqarsinnaassappat, pitsaanerpaamillu siunnersuisoqassappat pisariaqarlunnalernikuuvoq sakkuliutissallugit ilisimasat, suut paasiniarneqassanersut ilisimaneqartariaqarpoq, paasissutissallu misissorneqaqqissaartariaqarlutik.

Kalaallit Nunaanni pissutsit piviusut nutaat atuutilernerini, paasissutissanik tunngaveqarluni ingerlatsisoq Nalik Ventures qitiusumik suleqatissatut inissisimavoq. Nunatsinni periarfissat annertuut unammilligassartallit iliuuseqarfigisinaaniarlugit periusissiarput misissoqqissimavarput naligiissarlugulu, periarfissat suleqataaffigisinaaniassagatsigit.





Takorluugaq nutaaq

Soqutiginnitsigut suleqatigalugit nunap immikkoortuini tamani siammasinnerusumik piujuartitsinerullu aqqani inuussutissarsiateqarnermik ingerlatsinissamik pilersitsinissaq sunniuteqaqataaffigissavarput, Kalaallit Nunaata aningaasaqarnikkut imminut napatinnerulernissaa anguniarlugu

Anguniagaq nutaaq


Paasissutissat tunngavigalugit suliffeqarfittut ingerlatsisuuvugut, sullitatsinnut Kalaallit Nunaannilu inuussutissarsiateqarnikkut naleqarnerulersitsiviusumik ikorfartuisuulluta uku aqqutigalugit

- 📍 Aallarnisaasunut taarsigassarsiat, nioqqutissiornikkut ineriartortitsinissamik tapiissutit, siunnersorneqarneq, taarsigassarsititsisarneq aningaasaliinerlu.
- 📍 Paasissutissanik katersuineq misissueqqissaarinerlu.
- 📍 Sullitanut assigiimmik periarfissaqartitsineq, inuussutissarsiatinilu tamani inuussutissarsiateqarnikkut ineriartornissamut sinaakkutit pitsaasut.
- 📍 Nunap immikkoortuisa inerisarnerini Kommunit inuussutissarsiateqarnikkut siunnersuisoqarfiisa suleqatiginerisigut

Naliup Sananeqaataa

Nalik Ventures Kalaallit Nunaat tamaat eqqarsaatigalugu inuussutissarsiutitigut ineriartortitsisussaavoq. Najugaarfiit nunalu tamaat isigalugit inuussutissarsiuteqarnikkut ineriartortitsineq ikorfartussavarput, siunnersuineq, aningaasaliineq, attaveqatigiisitsinerit suleqatigiisitsinerillu aqputigalugit.

- Ujartuisumik siunnersuinikkut, aallarnisaasunut taarsigassarsititsisarnikkut inuussutissarsiutitigullu tapiissuteqarnikkut aammalu aqqissuussat piginnittut kifartuussinissamik isumaqatigiissuteqarfiginerat aqputigalugu aallarnisaaneq ikorfartorlugu.
- Kalaallit Nunaanni sumiiffinni tamani ineriartortitsiniartunut taarsigassarsititsisinnaavugut, aamma piffinni nalinginnaasumik aningaasaliisussarsinissamik ajornakusoorfusuni.
- Suliffeqarfiit allilerneqarnissaminnut piukkunnaatillit aningaasaleeqataaffiginissaanut piareersimavugut.
- Aningaasaliinikkut peqataaffigisatsinni tamani aningaasaleeqataasutut tunuartilernissatsinnik pilersaaruteqartarpugut.
- Aningaasaateqarfiit nunatta avataaneersut, soorlu nunat avannarlerneersut, EU-mi aningaasaateqarfiit imaluunniit allat taamatuttaarlu Kalaallit Nunaanni inuussutissarsiuteqartut ilisimatusartullu pineqartillugit ataqatigiisitsisuuvoq.
- Nuna tamakkerlugu nunallu immikkoortuini ingerlatsisut peqatigalugit ataqatigiissaarinikkut takornarialerinikkut inuussutissarsiuteqarnermi ingerlataqartut ataatsimoorussamik ikorfartorpagut.
- Nunatta avataanit aningaasaleerusuttunut nunattalu niuerfianut atassuteqarniartunut suleqatissaavugut.



Isaaffik Ataaseq

Inuussutissarsiuteqarnikkut ingerlataqartunut pingaarnertut inissisimalluta suleqatissaaniarutta suliffeqarfittut paasiuminartuullutalu attavigiuminartuussaagut. Iliuutsigut tamarmik ataqatigiissapput. Periusissiamit matumangga aallartilluta suliffeqarfiup aaqqissuussaananut, suliffiup iluani politikitsinnut, sulisutsinnut, attaveqariutsitsinnut, iliuutsitsinnut, suliffeqarfittut ileqqulersortarnitsinnut, nioqqutitsinnut aammalu massakut sullitatsinnut sullisilerumaagassatsinnullu uagut pilluta eqqarsartarneranni ataqatigiittoqassaaq. Taamaattumik uku sulissutigissavagut,

- Isaaffik ataaseq one-door-princip, qinnuteqartitsisarfitsinnut allaffitsinnullu atuuttusaaq. Tapiissutit assigiinngitsut aamma/imaluunniit aningaasaliissutit ataatsimut ersersinniarsarinissai sullitatta suliassarinnngilaat. Tamanna uagut ilusilersuinitisigut atoruminarsaanitsigullu ersarissassavarput.
- Sullitatsinnut suleqatigisatsinnullu paasinartumik tulluarsakkamillu siunnersuissaagut.
- Inuussutissarsiutinut tunngasunik apeqqutinut Namminersorlutik Oqartussanut Kommunenuullu siunnersiueqatissaassaagut.
- Aallarnisaasut nutaat sullitalluunniit pioreersut sullinneqarnerini, ataasiusutut sulissaagut, siunnersuinerni, tapiissutinut aaqqissuussinerni, taarsigassarsititsinerni, aningaasaliinernut piginneqataanerluunniit aamma.
- Kommunit ataasiakkaat ineriartortinneqarnissaat ukkatarinerini Nalik ingerlatseqatigiiffii akimorlugit suleqatigiiaattut sulissaagut. Eqimattat nunattalu immikkoortuini sumiiffiit akimorlugit ataqatigiissaarinerup sullitatta siunnersortit taakkuujuartut naapinnissaat qulakkiissavaa, tamatumalu aamma isaaffik ataaseq ikorfartussavaat.



Paasissutissat tunngavigalugit suliffeqarfik ingerlasoq

Ullumikkut inuussutissarsiuteqarnikkut takornariaqarnikkullu paasissutissat amigarput, ineriartornerullu ataatsimut isigisinnaalernissaanut tamanna sunniuteqarpoq, matumani sumi inissisimanerput sumullu ingerlassanersugut takujuminaatsinneqartarluni.


Taamaattumik paasissutissat tulluartut nutartikkallu amigaataapput, tamattalu naatsorsuutigisatsituut mittarfiit nutaat kinguneriumaagassaannut Kalaallit Nunaata inuussutissarsiuteqarnikkut ineriartornerata iliuuseqarfigisinnaaneritut sunniuteqartussaapput.

Inuussutissarsiornerup ineriartornissaanut aammalu takornariaqarnermut tunngasuni, nunap tamarmiusup iluaqutigiligassaanic paasissutissanik katersuiffissatut Nalik Ventures inissisimassaaq.

Taamatuttaarlu aamma suliffeqarfup iluani paasissutissanik katersinitta siunnersuunitsinni aalajangersaanitsinnilu peruserineqartuni assigiiartumik ingerlariuseqarnissarput qulakkeerniarnissaa immikkut isiginiagassaraarput.

Taamaattumik anguniagaavoq:

- 📍 Kalaallit Nunaanni inuussutissarsiuteqarneq inuussutissarsiutitigullu ineriartorneq pillugu paasissutissat naleqqussorisat katersornissaat, taamaalilluni suliffeqarfup tamarmiusup iluani paasissutissat ajornaatsumik atorsinnaallugillu siammartersinnaalissagatsigit.
- 📍 Saaffiginnissutit tamarmik 72 tiimit iluanni nalunaarsorneqarlutik, suliarineqarlutik akineqarnissaanic pisinnaanngortillugu.
- 📍 Taarsigassarsiat tamarmik ataavartumik namminerisamik ingerlasumik akilersortinneqartalernissaat.
- 📍 Sullitatta namminneerlutik taarsigassarsiami uninngasuutimilu killiffii takusinnaalissagaat.



Nunat tamalaat akornanni suleqatigisat

Kalaallit Nunaannut aningaasaleerusussuseq annertoq takusinnaavarput.
Attaveqaasersuutini aningaasaliisimanerit nutaat Kalaallit Nunaata takornariarfissatut niuernikkullu suleqatissatut ajornannginnerulersittussaavaa.

Nalik Ventures tassaassaaq ingerlatseqatigiiffiit nunani allaneersunut aningaasaleerusuttunullu kalaallit niuerfinut isaavissaq.

Taamaaliussaagullu imatut

- 📍 Nalik Ventures aqutigalugu peqatigalugulu aningaasaliinissaq ajornannginnerulersissavarput, ataatsimut aningaasaliinissami piumasaqaatit assigiissarneqarsimasut piumasaqaasersornerisigut.
- 📍 Tassaassaagut aallarnisaasut, suliniutinik piginnittut aningaasaliisinnaasullu ilisaritillutillu imminut nassaarisinnaaffissaat.
- 📍 Business Angelsit aningaasaliisarfillu allat nunatsinniittut nunat tamalaallu akornanniittut pilersissavagut, suleqatigiinnissaallu aqutissiuullugit peqatigaluta aningaasaliisinnaalersillugit, aammalu Kalaallit Nunaanni aningaasaqarnikkut, nunamik inuiaqatigiinnillu innarliinngitsumik aningaasaliisinnaanerup orniginarnerulernissaa tunaartaralugu.



ESG: Piujaannartitsineq tassaavoq atukkanik utertitsinissamut akiliisinnaassuseqarneq

EU-p ESG-mi sinaakkusersuutai aammalu nunat tamalaat akornanni piujuartitsinerup ukkanneqarnerulerata kingunerisaanik, suliffeqarfiit tamarmik nunarsuarmioqatigiillu niueqatigiinnerat sunniuteqarfigissagaa taamaattumillu aamma Kalaallit Nunaata niueqateqarnerata sunnerneqarnissaa naatsorsuutigisariaqarparput. Piujuartitsineq eqqarsaatigalugu ataatsimut attaveqariuseqalernissarput suliffeqarfillu ingerlatsinermigut piumasaqaateqarfigisinnaalernissaat ESG-mi sinaakkusersuutit piviusunngortissinnaalersissavaat.

Uku iliuusissat aqutigalugit Nalik Venturesip ineriartorneq tamanna ikorfartussavaa:

- 📍 Suliffeqarfiit piujuartitseqataanerulerusuttut tapersersussavagut.
- 📍 Suliffeqarfiit inuiaqatigiinni akisussaasuseq piujuartitsinissarlu pillugit siunnersortassavagut, taamaalillutik nunat tamalaat akornanni ESG-mi maleruaqqusanut malinnissinnaalernissaannut periarfissaqaleqqullugit.
- 📍 Uagut suliffeqarfitsinni piujuartitsineq misissuiffigalugulu pitsanngorsaaffigissavarput, ESG-milu kisitsisit anguniagassatut siunniussagut inissillugit.

Takornariaqarneq

Mittarfiit nutaat atulerpata Kalaallit Nunaat silaannakut angallanneq aqqutigalugu tikikkuminarnerulissaaq, taamaattumillu takornarialerinikkut sinaakkusiussat allanngornerannik tamanna aamma nassaqatassalluni. Takornarialerisut amerlanerusut anginerusullu takkussuunnissat naatsorsuutigineqarsinnaassaaq, takornarialerisullu mikinerusut pissutsit piviusut naleqqussarfigisariaqassavaat. Tamanna tunngavigalugu Nalik Venturesip aallarnisartunut takornarialerinerullu iluani ingerlatsisunut periarfissat ineriartorfusussat ikorfartuiffigilertussaassavai, namminersortuuneri, kommuninit pigineqarneri Namminersorlutik Oqartusanilluunniit pigineqarneri apequtaatinnagit.

Tikittussanik tiguisinnaaneq annertusartariaqassaaq nutarsarlugulu, sumiiffimmilu attaveqaasersuutit annertunerulersussaammata nioqqutissiat siammasinnerusut aamma annertusaavigineqartariaqassapput. Annertusaanissarlu ilimagineqartoq tamanna aningaasalersuinitigut, inuussutissarsiutitigut tapiissutit aqqissuussat aqqutigalugit siunnersuinikkullu Nalik venturesimit tapersersugassaraarput.



Takornariaqarneq

Taamaaliussaagullu uku aqutigalugit:

- 📍 Visit Greenland ingerlatsisullu allat attuumassutillit suleqatiginerulernerisigut attaveqaateqalernissat taamatuttaarlu aqqissuusaanerit imminnut attuumannikkaluartut akimorlugit ilisimasaqarfigineqalernissaannik aqutissiuussinitsigut.
- 📍 Illoqarfinni kommuninilu ataasiakkaani takusassarsiorfissanik inerisaanikkut.
- 📍 Inuussutissarsiteqarnikkut siunnersuisoqarfiit kommuninit pigineqartut ilisimatusarfillu ataqatigiissaariffiginerisigut.
- 📍 Naliup suliffeqarfinnut aallarlerlaanut tapersersuisarnermik, ilitsersuisarnermik ineriartortitsinermillu aqqissuussinermik ingerlatsinissaa nutaaq aqutigalugu.
- 📍 Inuussutissarsiornerup takornariaqarnerullu ineriartorneranut tunngavileeqaatasumik paasissutissanik katersinissaq pilersitsinissarlu aqutigalugu.

Namminersortutu aallarnisarneq suliffeqarfiillu aallararterlaat

Nalik Ventures aallarnisartunut tamanut ikorfartortuisussatut, ilitsersuussisussatut siunnersuisussatullu toqqagassaassaaq. Kalaallit Nunaata mittarfissuit inuussutissarsiornikkullu periarfissat ataatsimut isigalugit pissarsiaqaatigilluassappagit, namminersortut amerlisartariaqassavagut, pigeriikkagullu allisarlugit. Nalik Venturesip tamanna ikorfartussallugu suliassaraa.

Taamaaliussaagut uku aqqutigalugit

- 📍 Inuussutissarsiornikkut siunnersuisarfiit ingerlatseqatigiiffiillu kommuninit pigineqartut annertunerusumik suleqatiginerisigut.
- 📍 Sumiiffimmi pissutsit aallaavigalugit paasissutissat naapertuuttut atorlugit siunnersuinikkut.
- 📍 Kalaallit Nunaanni tamakkerlugu inuussutissarsiutitigut tapiissutit, taarsigassarsititsisarneq aningaasalersuinerillu periarfissiissutigiginerisigut.

Suliffeqarfinnut aallarterlaanut tapersersuisarnermik ilitsersuisarnermik, ineriartortitsinermillu aaqquussineq

Kalaallit Nunaanni pisussaaffitsinnut ilanngullugu Namminersorlutillu Oqartussat aqutigalugit kiffartuussinissamik isumaqatigiissuterput naapertorlugu aningaasalersorneqartumik suliassatsitut pissusissamisoortutut isigalugu, suliffeqarfinnut aallarterlaanut tapersersuisarnermik, ilitsersuisarnermik ineriartortitsinermillu aaqquussinissaq nutaaq, minnerunngitsumik suliffeqarfinnut aallarterlaanut naleqarnerulersitsisisussaag saqqummiupparput.

- 📍 Tapersersuisarnermik, ilitsersuisarnermik ineriartortitsinermillu aaqquussineq aqutigalugu aaqquussugaalluartumik suliffeqarfinnut aallarterlaanut aqutissiuussinissaq, tapersuisinissaq nukittorsaannissarlu anguniagaraarput.
- 📍 Suliffeqarfittut isumassarsiat isumalluarnartut iluatsilluuartumik ingerlallualersinnissaannut ingerlatsineq ilusilersorneqassaaq.
- 📍 Aallarnisartup qajannaatsumik suliffeqarfiata tunngavilerneqarnissaa aallaqqaataaniillu naleqqussallaqqissusiata qaffassarnissaa qulakkiissavarput.
- 📍 Aallarnisartuq ilisimasassaanik, isumalluutinik pisariaqartitaanik ataatsimoorfimmillu tapersersortigiumaagassaanik ingerlatsinerup ingerlanerani tuniorassavarput.
- 📍 Immikkuullarissumik siunnersuinerneq, kalaallit piorsarsimassusaanni naleqartitatsinnik paasisimasaqarnerulernerneq nunarsuarpullu avatitsinniittoq pillugu ilisimasassanik paasiuminartunik tunioraaneq aqutigalugu taamaaliussaagut.





Kalaallit Nunaat tamaat

Kalaallit Nunaat tamaat sullittussaavarput. Taamaamat sumiiffinni aningaaseriviit aningaasaliiffigissallugu tunuarsimaarfigisaanni, siuariartornissamut aallartitsiffiusassaagut. Nioqqutit ajornaatsut ersarissullu atorlugit isorliunerusunut nioqqutissat tulluarsakkat neqeroorutigisassavagut, taamaalillutik illoqarfiit anginerusut kisimik ineriartortitsiffiunnginniassammata.

Taamaattumik suliniutit pivusorsiortut, aningaaseriviit kisiisa suleqatigalugit aningaasalersorneqarsinnaanngitsut, qanoq aningaasalersorneqarsinnaanissaat pillugit siunnersuusiortassaagut. Ukulu taamaattumik suliassatut naammassiniassavagut.

- 📍 Isorliunerusuni suliniutit pivusorsiortut aningaasalersorneqarnerulernissaat anguniarlugu periarfissanik ujartuinissami Naalackersuisut oqaloqatigissavagut.
- 📍 EU-mi aningaasaateqarfiit, nunat avannarliit aningaasaateqarfii Issittullu ukkatarineqarneranut atatillugu aningaasaateqarfiit aqqutigalugit aningaasalersuinissamut periarfissanut atuisinnaanerit annertusarnissaat sulissutigissavarput.
- 📍 Najukkami piginnaasat ingerlatseqatigiiffillu peqataatillugit aningaasalersueriutsit tulluartut atorineqarsinnaalernissaat ikorfartussavarput.



Iluatsilluartumik ingerlalnissaq qulakkeerniarlugu Nalik Venturesip periusissiaani angusariaqakkat

Mittarfissuit nutaat atulernissaat tunngavigalugu, kalaallit inuussutissarsiuteqarnikkut inissisimaneranni malunnaatilimmik allanngortussatut naatsorsuutigineqartumi Nalik Ventures qitiulluni inissisimasussaavoq.

Kalaallillu Nunaanni sumiiffinni tamani inuussutissarsiuteqarnikkut ingerlalluartumik ineriartortumillu ingerlasoqassappat, uku Nalik Venturesip angusariaqagaanut ilaapput:

- 📍 Kommunini inuussutissarsiuteqarnikkut siuarsaasunik tapersersuisunillu suleqateqarneq pitsanngorsarneqassaaq, malunnaatilimmillu aqqissuunneqarluni.
- 📍 Nalik Venturesip aningaasaliisarnera suli annertunerusumik Kalaallit Nunaannut tamarmiusumut siaruaanneqassaaq.
- 📍 Ukiut tamaasa suliffeqarfinnut aallartermiit tapersersuisarnermik, ilitsersuisarnermik ineriartortitsinermillu aqqissuussinissamik ingerlatsinerit aallarnisartunut toqqakkat peqatigalugit ingerlanneqartassapput.

The image features a scenic background of a fjord with steep, rocky mountains and a blue body of water. The sky is a clear, deep blue. Overlaid on the center of the image is the company logo and name. The word "NALIK" is in a large, white, sans-serif font. To its right is a logo consisting of five orange squares: two are solid, one is an outline, and one is tilted. Below "NALIK" is the word "VENTURES" in a smaller, white, spaced-out sans-serif font.

NALIK 
VENTURES